

سیاسی پارٹیاں دا ایجنڈا آتے لوکاں دا ایجنڈا

گجرات وچ چوٹاں دا دور ختم ہو گیا ہے اتے نتیجے آ گئے ہن۔
دسیا جاندا ہے کہ سٹھ فی صدی ووٹراں نے ایہناں چوٹاں وچ حصہ
لیا ہے۔ جس طرح کہ قیاس لئے جا رہے سن، بی جے پی اک بار
پھر چوٹاں جت گئی ہے۔ حاکم پارٹی بی جے پی اتے اسدے آگو
نریندر مودی نے چون پرچار دوران ڈویلپمنٹ دا نعرہ لایا سی
اتے جہادی اتواریاں دا ڈراوا دتا سی۔ اوناں نے دعویہ
کیتا ہے کہ گجرات نے بی جے پی دے راج دوران اتے خاص طور
تے اوسدے مکھ منتری دے دور وچ بہت ترقی کیتی ہے۔ اُسنے
تھاں تھاں تے پرچار کیتا کہ مسلمان جہادیاں کولوں گجرات دی
ترقی نوں بہت خطرہ ہے اتے اوس دی ورودھی دھر کانگرس پارٹی
جہادیاں دا سختی نعل مقابلہ نہیں کر سکدی اس لئے گجرات دے
لوکاں نوں بی جے پی اتے نریندر مودی نوں ہی جتاؤنا چاہیدا
ہے۔ ایہہ اوہی نریندر مودی ہے جس دی سرکار نے ۲۰۰۲ وچ ہزاراں
ہی بے قصور مسلماناں دا قتل عام کیتا سی۔

دوجے پاسے کانگرس دا وی ایہو دعویہ سی کہ کیندری سرکار کیونکہ
کانگرس اتے اوس دے جوئیداراں دی ہے اس لئے اس سرکار نے
ہندوستان دی ترقی لئے بہت کجھ کیتا ہے اتے اس دا فائدہ گجرات
نوں وی ملیا ہے اس کرے لوکاں نوں کانگرس نوں ووٹ پاؤنی چاہیدی

ہے۔ سونیا گاندھی، منموہن سنگھ آتے ہور کانگرس دے آگواں نے
 نریندر مودی نوں موت دا سودا گر، لوکاں دا قاتل وغیرہ دسیا
 ہے آتے کیہا ہے کہ اوہ ہند تو دا کٹڑ پنتھی ہے آتے اوسدے طاقت
 وچ واپس آؤن نعل ہندوستان دے سیکڑواد آتے اکھنڈتا نوں
 خطرہ ہور ڈونگھا ہو جاویگا۔ ایہہ اوہی کانگرس پارٹی ہے جس نے
 ۱۹۸۴ وچ ہزاراں ہی سکھاں دا قتل عام دلی وچ کیتا سی آتے
 پنجاب وچ وی جسنے ہزاراں ہی نوجواناں دا قتل عام کیتا سی۔

کانگرس پارٹی آتے بی جے پی دونوں ہی کٹڑواد آتے مولواد دے خلاف
 ہوکا دندے رہے ہن آتے دوہاں دے ہی ہتھ ہزاراں لوکاں دے
 خون نعل رنگے ہوئے ہن۔ پاکستان وچ وی مشرف، بے نظیر آتے
 امریکن سامراجیئے کٹڑواد آتے جہادیاں دے خلاف نعرے لا رہے
 ہن آتے ڈویلپمنٹ دے سوہلے گا رہے ہن۔ ایہناں ساریاں
 دے ہتھ وی بے دوسے لوکاں دے خون نعل رنگے ہوئے ہن۔ سرکاری
 دہشتگردی آتے ویکٹی گت دہشتگردی نے لوکاں دا جینا مہال کیتا
 ہویا ہے۔

ایہناں ساریاں ہی سیاسی پارٹیاں دا ایجنڈا لوکاں دے ایجنڈے نالوں
 وکھرا ہے۔ لوکاں دا ایجنڈا ہے کہ اوناں نوں عدالتوں وچ انصاف
 ملے، اوناں دی کتے سہوائی ہووے۔ لوک منگدے ہن کہ اناں دے
 گھی، گھی آتے جلی دے مثلے حل ہون۔ اوہ پین لئی صاف پانی

آتے صحت مند رہن دے وسیلے جھالدے ہن۔ اوہ عزت آتے مان دی
زندگی جیوٹا چاہندے ہن۔

پر ایہناں سیاسی پارٹیاں دا ایجنڈا اوہ نہیں جھڑا لوکاں دا ایجنڈا
ہے۔ مثال دے طور تے کانگریس نے پچھلے سٹھ سالوں وچ زیادہ
عرصہ ہندوستان تے راج کیتا ہے۔ پر اسنے کدے وی لوکاں دا
ایجنڈا عمل وچ نہیں لیاندا بھائیوں نعرہ سوشلزم دا سی جاں لیبرلائزیشن
دا سی۔ دسیا جاندا ہے کہ ہندوستان وچ ۷۵ کروڑ دے قریب لوکاں
نوں روزی روٹی لجھی وچ وی مشکل ہے۔ اسے تیراں بی جے پی
وی بھائیوں ویدک سوشلزم دا جاں سڈیشی دا نعرہ لائے کیندر
آتے ہورناں صوبیاں وچ طاقت وچ رہی ہے پر اسنے وی لوکاں دے
ایجنڈے نوں عمل وچ نہیں لیاندا۔ بلکہ ایہناں دوہاں پارٹیاں نے
لوکاں تے وکھو وکھی جاں رل ملکے ظلم ہی ڈھائے ہن۔ مثال
دے طور تے جدوں کانگریس سرکار نے ہر مندر صاحب تے حملہ کیتا
سی تاں بی جے پی، سی پی آئی، سی پی آئی (ایم) ورگیاں پارٹیاں
اندر اگاندھی دے نعل ہی سن۔ جدوں ۱۹۹۲ وچ ایودھیا وچ بھنگ
دل، بی جے پی آتے ہورناں نے گنڈا گردی کرے بابری مسجد ڈھائی
سی تاں نرسمہا راؤ دی کانگریس سرکار دی صلاح وی نعل ہی سی۔
سرکار نوں بھت پہلاں دا پتہ سی کہ ایہہ مسجد ڈھاؤن دیاں
سازشاں چل رہیاں ہن پر کیندری نرسمہا راؤ دی سرکار نے
اس نوں روکن لئی کھ وی نہیں سی کیتا۔ سرکار دا سارا بندوبست

اَتے عملہ بالکل ہتھ تے ہتھ دھرے ہی بیٹھا رہا اَتے اُوس
 ویلے دے کیندری گہرہ منتری چوان نے کئی ملاقاتاں بعد کیہا کہ
 بی جے پی دے لیڈراں اَتے بجرنگ دل دے آگواں نے اُوسدی تسلی
 کرا دتی ہے اَتے یقین دویا ہے کہ ایودھیا وچ کوئی جھیڑی گل
 نہیں ہوویگی۔ پر بابری مسجد ڈھائی گئی، ہندوستان دے ہورناں شہراں
 وچ سرکار اَتے اسدے گنڈیاں نے فرقو قتل عام جھیند کیتے
 اَتے ہزاراں ہی لوک مارے گئے۔

لوکاں دے ایجنڈے اَتے سیاسی پارٹیاں دے ایجنڈے وچ بہت فرق ہے۔
 سیاسی پارٹیاں دا ایجنڈا لوکاں دے ایجنڈے توں الٹ ہے۔ سیاسی پارٹیاں
 اَتے ایہناں دے آگواں دا ایجنڈا صرف طاقت وچ آئے حاکم
 ٹولے دا پکھ پورنا ہے۔ پر کیونکہ لوک ایہہ نہیں چاہندے اَتے
 اس لئی جد اس دی مخالفت کردے ہن تاں اوناں تے ظلم کیتا
 جاندا ہے۔ پچھسی بنگال وچ سنلر اَتے نندیگرام وچ ایہہ گل
 اک بار پھر صاف ہو گئی ہے۔ بنگال دی سی پی آئی (ایم) دی سرکار
 ٹاٹے اَتے سلیم گروپ نوں لوکاں دی ہزاراں ہی ایکڑ زمین دین
 دی سازش کر رہی ہے۔ لوک اس دے الٹ ہن۔ اس لئی بہت ہی
 بے رہی نعل پولیس اَتے سی پی آئی (ایم) دے گنڈیاں نے لوکاں
 تے تشدد ڈھایا ہے۔

لوکاں نوں آپنا ایجنڈا آپ ہی عمل وِچ لیاؤنا پویگا۔ اوہ کسے
وی سیاسی پارٹی تے وساہ نہیں کر سکدے کہ اوہ سیاسی پارٹی طاقت
وِچ آ کے اوناں دے ایجنڈے نوں عمل وِچ لیاؤنگی۔ اوہ آپنے ایجنڈے
نوں آپ ہی عمل وِچ لیا سکدے ہن۔ ایہہ طاقت اوناں دے ہتھ وِچ
ہے۔ ایہہ طاقت اوناں نوں کسے ہور نوں دین دی کوئی لوڑ نہیں۔
سیاسی پارٹیاں دا ایجنڈا ایہو ہی ہے کہ چونا راہیں لوکاں توں طاقت
کھوہ کے وڈے وڈیریاں دے ہت پُڑے کرن۔ اس توں علاوہ ایہناں
دا ہور کوئی ایجنڈا ہے ہی نہیں۔